

憑高莫向神州望。萬戶蕭疏鬼哭傷。  
環海碧。遠山長。暗隨飛影渡湖湘。眼中  
菰米沉雲黑。喚起哀鴻一例嘗。

### 河傳

大埔觀競渡

何敬羣

雲淡。風軟。鼓淵淵。打槳南溟浪翻。  
爭先不分唐與番。喧喧。錦標誰奪還。  
漁父舊曾相問訊。甘獨醒。江介傳哀

郢。到而今。江水深。揚舲。空聽簫鼓鳴。

### 浣溪沙

題洗玉芳冊子

王韶生

推手爲琵琶。弦弦撥撥亂胡沙。  
教人怎不暗思家。低奏玉龍尋往事。  
輕攏金軫惜年華。相逢珍重折梅花。